

# MINORITY SHAREHOLDER WATCHDOG GROUP

BADAN PENGAWAS PEMEGANG SAHAM MINORITI BERHAD

(Incorporated in Malaysia – Company No. 524989-M)

Berita Harian – 5 Mei, 2015 (A)

## Had maklumat jejas pelabur

» *Bursa patut kaji semula tempoh lima tahun info syarikat*



**RITA BENOY  
BUSHON**

Baru-baru ini, kami mendapat berita luar jangkaan iaitu mengenai perubahan ketara dalam pemberian maklumat dan statistik berkaitan syarikat senarai awam di laman web Bursa Malaysia.

Kami sudah menerima aduan daripada pelabur runcit dan kami dapat statistik dan maklumat termasuk pengumuman syarikat, keputusan suku kewangan dan laporan tahunan hanya boleh didapati di laman web Bursa bagi tempoh lima tahun.

Sebelum ini, maklumat berkenaan boleh diakses bagi tempoh 10 tahun.

Bursa Malaysia, walaupun ia sudah diswastakan namun sebagai institusi awam, ia masih mempunyai tugas utama iaitu sebagai badan yang menegakkan integriti pasaran.

### Beri maklumat sahih

Antara tugas utamanya adalah memberi maklumat sahih mengenai sebarang pengumuman syarikat kepada orang awam, badan kerajaan dan pelabur secara khasnya. Tambahan pula ia juga adalah pusat rujukan setempat maklumat.

Mengehadkan maklumat kepada orang awam

*“Penyelidik dan pelabur sememangnya memerlukan tempoh yang lebih panjang di mana maklumat berkenaan sememangnya sudah pun tersedia”*

yang memerlukan tempoh lebih lama juga boleh mengakibatkan kepincangan penyelidikan pelaburan.

Bursa kini sedang menggalakkan pelabur runcit serta pelajar untuk masuki pasaran, terutamanya melakukan analisis siri masa.

Adalah membimbangkan kerana tiada pengumuman yang jelas dibuat mengenai perubahan yang amat penting ini.

### Perlu tempoh lama

Kami berpandangan perkembangan baharu ini agak regresif. Penyelidik dan pelabur sememangnya memerlukan tempoh yang lebih panjang di mana maklumat berkenaan sememangnya sudah pun tersedia.

Kami menggesa Bursa Malaysia mempertimbangkan semula maklumat penting ini bagi penggunaan pelabur awam yang bergantung kepada maklumat yang dipercaiyai untuk membangunkan pasaran pelabur runcit yang lebih cergas.



### Penulis

ialah Ketua Pegawai Eksekutif Badan Pengawas Pemegang Saham Minoriti Bhd (MSWG)